

四庫全書

集部

欽定四庫全書

集部

江湖長翁集卷十六至十八

詳校官庶吉士臣吳烜

主事臣呂雲棟覆勘

覆校官博士臣劉光第

校對官典簿臣劉景岳

謄錄監生臣沈毓鳳

欽定四庫全書

江湖長翁集卷十六

宋 陳造 撰

七言律詩

次韻楊宰食蓮戲作

平時蓮實吾羊棗日飲甘寒不自疑
病恐傷生嚴食事居多節口甚嬰兒
舌融沆瀣詩能說手掬珠璣我屬思
對酒移風勞想像靜看千柄泛前池

再次韻

詩到衰翁耐病時
辟渠三舍更何疑
才高王儉幕中雋
氣懾孫郎帳下兒
向我論交得無意
他時懷舊更長思
蓮莖把玩不為腹
羨殺逢人飲上池

次兒輩戲商卿設醴韻二首

水豢山膚自土宜
况邀從事到青齊
賓筵大嚼寧虛口
竈婦深顰想噬臍
爛醉豈無醒酒鱸
明朝重閱不鳴鷄
扶頭更憶松江曉
旋買鱸魚薤藟藟

將命長鬚脚未移
聯翩客馬已來齊
菊花旋採浮雲液

羅幙寬圍護麝臍醉裏有詩皆虎鳳區中無物不蟲雞
主賓等是龍津客未分金鱗卧瓮虀

再贈澤卿商卿道舊三首

一昨西風散馬蹄肯如接淅去東齊人家炊玉香馥鼻
禾壠如雲高過臍飲雋不無驚渴虎醉歸同約候鳴鷄
二卿好客家聲在遮莫茅柴薦韭薤

隆污非是莫端倪曹蹈觴深試汨齊荆璞笑渠忘衛足
塢金何策贖然臍悠悠塞上悲亡馬斷斷尸鄉業養雞

可是世紛吾屑去平生結習晚吹蘼

過眼紛紛更問為幽人生死況能齊海桑恐礙日車轍
宸極劣為天磨臍臧穀君方墮書蠹研桑我亦笑醯雞
晚知戰勝輕千乘悔厭晨鹽與暮蘼

九日登神居留題

行行十刻冒風沙驟喜深堂放馬樞旋報陰雲漏紅日
共追佳節把黃花多煩沽酒留元亮莫漫移文調孟嘉
未竟笑譚人已醉簷棲片月欲翻鷗

傳商卿借鶯

吾家水豢慣秋春穀飼欄栖又一新友義何須換鵝帖
隣墻防有嗾獒人眠沙泛渚期它日問俗充庖戒未仁
酬我質劑當倍稱學書還復慰清真

次韻謝陳守伯固

投老登龍借齒牙可能病驥待揮撾清篇久矣窺修月
絃論琅然聽粲花小却御屏書姓字行當宣室拜亨嘉
恩章衮衮從天下濃墨疎行砌亂鴉

贈傅商卿

商卿以予憂患冒雨相訪詩謝之

殘年多病更銜哀
今日衰懷得好開
聞道場功因雨止
徑緣老子犯寒來
下簾小熾其爐火
煨芋聊持藥玉杯
翻憶黃公酒壚夜
畧無憂患繞靈臺

夜宿商卿家

復用過字韻

萑蒲無警南塘靜
歎歲村謳鼓罷過
更喜良宵共譚麈
幾煩親手剪燈花
酌無多酒仍餘味
嬾不吟詩政自嘉
蝶夢蘂蘂纔一霎
隣雞啼罷又啼鴉

述懷有作

青奴白牯共幽情
鷺隻鷗雙自舊盟
家視子平如已死
世嗤張翰不求名
馬牛見命從浮俗
螟蠃觀傍得此生
千載淵明吾易地
心期端有不容聲

贈實老

神居禪翁訪予于華村
用舊遊壁間詩韻贈之

幾時風色不飛沙
再遣齋魚為客樞
塵裏槐安空夢境
眼中優鉢忽天花
玄譚正用蠲憂患
白飯胡寧當旨嘉
南去路貧同一笑
不憂攫肉有飛鷗

時予不
將行李

次韻答龔澤卿

君如綠耳抹流沙
蹀躞追風不待撾
綴葺曾童楚山竹
燕遊行插曲江花
久煩鳳詔搜奇逸
定復龍光疊寵嘉
叱咤即今凌筆陣
坐令楚幕集歸鴉

晚飯商卿家

用土山韻

我似長松久卧沙
迄今諫鼓夢猶撾
倚消愁斛人如玉
欲近書籤眼有花
投老無庸尚強聒
過君每肯具柔嘉
婪酣得飽行摩腹
不省饑號有莫鴉

次韻答楊宰

民情可但絕愁嗟吏畏誰何等受過教諭久知風偃草
山行聊賦雪飛花牛刀試用終稱屈鳳詔緘春定拜嘉
穩上要津吾拭目角犀冰峙鬢如鴟

次韻楊宰宿北阿

寒事崢嶸念解攜芳樽憶共拆紅泥郵筒空有詩相續
夫子東歸我復西刺刺掀林朔風駛沈沈閣雪晚雲低
已歌擬報陽春贈未敢從人索品題

次韻楊宰

令君與馬俱倦有詩予亦寂居荒僻因次韻

君方總轡冒塵沙我亦青燈未著花
縣宰憂民暇黔突
道人有飯即為家
倦溫村釀其火暗
笑撚吟髭風帽斜
等有灞陵橋上興不妨頻著小詩誇

次韻楊宰

姚法曹可人也官滿去民惜之君與予尤惜之然池蛟籠鵠君與姚豈宜

久淹者因次宰君詩韻

我方獼髓療蜂腰渠自才華蓋代豪
州掾聊容養文豹
玉音催去踏金鼇
聯芳君亦花封最
雙峙人推玉筍高

看即提衡霄漢上得無交口話啼號

次韻楊宰遊神居

峯頂留雲一鷺鷥山腰涵碧老蛟蟠
鵬翻海十洲近江漢分流三楚寬
曾是乘閑上埃靄小留舒嘯倚高寒
想君緩憩雙鳬鳥不羨冲霄吳綵鸞

次韻楊宰二首

早緣官事坐兒癡晚悟騷人賦
汨泥耐病久閑金轡裏
扶衰時近玉東西詞場尚友心
終在詩力逢君價自低

欲試成風須妙質莫懷章甫問雕題

五斗寧辭小折腰簿書那久困才豪得無狸豹驚雕虎
妙有鉤絲掣巨鼇詩就鼎來宮錦賜閑中眼與楚雲高
橫陳景物無央數付子秋崖萬竅號

次韻楊宰野步

眼邊室邇歎人遐再見驚飈袞雪花歲歉民勞真諉子
泥行草宿又誰家題詩山寺神應助問俗村區日易斜
隨處棠陰誦遺愛他年賸著翠珉誇

再次楊宰遊土山韻

述房陵
昔遊

志公巖頂雲縈繞羅漢洞前山鬱盤繇禹鑄鏡那用許

乾坤包納若為寬我行六月猶春服誰遣千巖起暮寒

思與三花古仙伯往還遊戲轡青鸞

三朵花仙人也隱
于房陵市井都盡

像敬之且像于志公巖東坡有詩盡
圖欲識先生面試問房陵好事家

次韻張守塗中生日

予生日皆客中
凡四年感漂泊

諸雛稱壽紀桑蓬此會頻年客路逢撫事祇令傷急景
持盃隨分發衰容心緣羈旅長多還情為思親政復鍾

更惜齊眉舊蘭友今春觴詠斷相從

次韻張守妻閨忌

子亦有悼亡之戚

萊妻魂逝不容招敢問何方處寂寥老去更堪聽薤露
病來久不近金蕉聲搖夜夢蛩相弔垢翳篝衣雨輒潮
細讀君詩重悽惋隱侯膚骨不勝銷

次韻張守曉起

客亭移枕待殘更起趁隣雞第二聲了了每添新悟解
營營無復舊心情興來命酒禁詩瘦老去衰容怯鏡明

況是杏花濃露曉不應蒙被問春晴

正月十六夜大雪次張守諸公韻二首

陽闔陰開意莫窮東君街巧似良工紅蓮熄燄人收市
丹杏開時雪滾風韻語真宜詠飛絮短歌當有頌元豐
一番壯觀俄漂忽已落詩人卷軸中

詩款鈴齋到即通細工時肯博麤工政聲已獨當時步
人士飫觀前輩風未分清新命開府可能簡遠盡安豐
譚間和氣熏人醉不覺栖栖客路中

次韻王簽判二首

客中誰者伴閑身，祇有蒼槐與翠筠。
回首昔昔遊驚夢，斷故人重見倍情親。
簿書簡省官居好，月露清圓句語新。
千里相思匪天意，聚頭一笑此何因。

五鬼侵陵兩鬢蒼，振窮掃白分無妨。
酒徒叢裏投名嬾，詩社中間趁課忙。
塵暗鳳笙空自歎，風驚鴈字不能行。
因君草草追強韻，政復通人笑楚狂。

予重見有兄服

贈吳子隆

小飲頗江樓分韻子隆得遲字借其韻贈之

詩到吳侯信崛奇
汗顏飛動可容追
小揮夢裏五色筆
吟作人間黃絹辭
滿耳龍鸞嘯空曠
驚人雨電散雷槌
相如氣壓鄒枚倒
未覺樽前運思遲

次韻張德恭主簿二首

一日乘閑燕畫樓
連宵飛夢只樓頭
掾郎談麈驚飛電
公子吟毫漲怒流
歸去定誰扶下馬
重來有約屬馴鷗
可堪風雨妨人樂
却向廬家訪莫愁

彭尉侍
兒慧甚

漢南獨步有登樓
肯為衰翁吟掉頭
價比連城容品裁

句專八米見風流生涯枯澤鳴饑鶴老去驚波蕩白鷗
當念飯山人似削掠人更遣耐新愁

次韻張守勸農二首

傳聞載酒西郊曉迎候前旌擁老農賢守承宣先勸課
太平風俗見聲容官堤烟樹紆紅纈沙岸風蒲裊紫茸
想憩凝香倒囊錦銀鈎側理疊千重

競筵行軒親色笑教條初不作風霜為公醉德仍醇酎
惠我溫言亦報章重見桐鄉敬朱邑不須畏壘詫庚桑

受廛定許休吾老已戒諸雛計裹糧

次韻張守泛春亭

小退鈴齊復此亭自公喜色更津津再紆皇眷分憂寄
坐鎮江城與物春長日雍容少公事共誰談笑作詩人
撫髭慣廁分題客元亮柴車已命巾

遊乾明分韻得山字

一從雋軌得追攀日日江臯倒載還貪向諸公論友義
未容老子憶家山酒邊鯨吸仍疇昔筆底羊腸出險艱

莫便搏前話分袂此心不與石俱頑

寄真州詩社諸友

疇昔離亭酒一鍾酒盃不比別愁濃
羨君聯璧方保社付我耦耕親老農
握手陳雷便膠漆幾時韓孟果雲龍
自今筆硯還高閣可是詩情病後慵

真州諸公語別

分韻得
杯字

嬌紅爛紫正銜枚不待王家羯鼓催
佳客又衝新雨至羈人未許片帆回
自今寒食嗟無幾奈許閒愁撥不開

只擬分攜乘醉去為君領畧十分盃

次韻趙夷仲

趙侯才望屹撐空肯我過從笑語同
妙論全勝十年讀清篇分餉一襟風
玳瑁可用酬崑璞涎頰何曾夢錦蒙
莫把詩聲陵此老遲君謁帝畫平戎

再次韻

坐聽嚴更一再通卓肩搜句夜蟲同
拜嘉傑作開囊錦似為衰翁療首風

素問以頭風為首風

紫誥君宜步西掖蒼顏我

欲隱東蒙韃橐文陳甘三舍百勝將軍正總戎

再次趙侯韻

趙能文為古選詩
三見屬次韻贊歎

理窟疎明面面通如君襟抱古賢同孤標碧落行霜月
勝韻芳林度蕙風妙語寧惟壓元白大卦端合啟龜蒙
規恢佇看收功去自勒豐碑紀殪戎

送臧汝舟楚州秋試

羨殺君家有兩方阿戎材幹更昂藏久知筆力能扛鼎
此去賢書定探囊隣近玉淵嘗借潤眼中珠樹看爭芳

舊陪衆俊工飛動老氣因君尚激昂

重九山陽儀真兩使君送酒

酒會文期興尚濃佳辰一笑坐天窮
兩州各遣六從事九日俄成一病翁
詩不受催空急雨帽無緣落任西風
明朝晴徑通行屐却漫枝筇遶菊叢

次梔子花韻

予家有數本亦可愛

居士窓前蒼菊花清香不斷逗窓紗
傷和錯詆風霜實照夜偏怜玉雪葩
瓊樹未應矜潔白金神端為發英華

世間俗眼便紅紫試遣詩翁較等差

次喜雨韻

被旱農家怒伏龍衰翁歲望甚於農人方半菽延朝夕
我亦頻年闕釜鍾酒潤似驚其火冷驟寒不貸布衾重
有來喜雨清新句一笑令人失病容

次韻李壽卿明府憶梅

不分無花空折枝探梅要趁未紛披憶常月地攜筇去
似許風裳倚竹時莊蝶認香憐夢短墨君寫影竟誰欺

故人底事江南北驛使來時僅好詩

再次韻

烟若橫陳耐凍枝清篇細讀更重披即令扶病揩塵硯
痛憶尋芳載酒時政使雪霏來眼底却愁霜鬢被花欺
暗香疎影君能事何處羈人敢語詩

次崔帥韻

崔叢碧置酒話別有
詩見贈即席次韻

虎塞風雲自壯懷詩壇尤見不凡才至音忽作鏘金發
急筆寧須擊鉢催屬餽重嘗項上臠拜嘉如嗅隴頭梅

還家定遣比隣怪珠璧光芒重載回

崔侯燕城西高家亭復次韻

昔人勝踐此興懷復見西園遊上才譚麈生風容滿聽
酒觴插羽未須催小令纖指鳴飛電却遣紅檀趁落梅
更約歸來醉叢碧將軍端豈興闌回

鄧倅有詩次韻

袖手從公辟不懷天心月脇有餘才將壇賈勇知無敵
冊府新除定見催楚國誰今衙屈宋歐門我亦後蘇梅

錦囊得句無虛日盡卷淮山勝槩回

次韻寄汪教授二首

友賢端許寫中懷千丈孤標十倍才黃絹舊知儒業富
黑頭寧受歲華催筆囊小却司盤詰鼎實終期薦傳梅
指日元侯轡龍袞未容文學久低回

客路何人起病懷論交今得謫仙才每當玉麈玄譚勝
不問銅壺漏箭催魯泮舊常烹瓠葉廣平聊復賦江梅
揆予儻可陪英軌莫向詩筒靳往回

客路寄崔帥

笑語生春慰老懷
鄒枚端復顧凡才
酒邊徐罷長鯨吸
夢裏還驚去鷁催
野渡水渾妨轉柂
霜林寒淺未逢梅
神馳縹緲凝香地
却惜無人為挽回

再次韻

既歸梅開甚嫵崔帥贈酒更佳且
二丈皆有送行詩次前韻寄之

解橐臨風得好懷
祗令公等費詩才
行裝併喜鷗夷滿
春意如煩羯鼓催
飯白重供飛雪鱠
眼青還對照溪梅
滯留不惡歸仍好
笑殺山陰興盡回

次韻陳學正

道居鄉之適

區中塵外自由身，囊不留錢最入神。
便約春秋同保社，不妨天地著陳人。
園翁溪友曾無間，野藪山肴繼薦新。
却歎聲名雪堂老，莫年嶺海夢峨岷。

自審江湖搞項翁，浪將張邴並高風。
就閑耕釣真無說，投合侯王況不工。
策足不應諸俊後，如君寧復老夫同。
亟須秉燭歡遊地，行邁英雄入彀中。

次韻趙帥賞古梅

子後不及賞故云

把酒花前量自寬
花同人意慙輕寒
盈盈似駕翠虬起
特特為邀青眼看
紙貴共誇詩律細
客來旋報粉香殘
若為白壁青錢費
可問東君博此歡

次韻劉常甫見贈二首

重來觸目總宜詩
頗費行吟與坐思
舊友相過有嘉惠
滿篇更喜勝前時
連朝把玩驚飛動
萬象低摧受控持
塵翳玉笙嗟耳冷
何人度曲顫鸞篦

筆陣平時枉計功
鈍鎚那辨突銛鋒
灞橋雪裏嗟良苦

飯顆山頭記昔逢
斷句自知窮有相從人財博繆為恭
彭郎小隱劉郎宅
抖擻塵襟聽所從

次韻張守勸耕二首

吾徒一笑似關天
離合胡寧付偶然
夢境萍蓬渺雲水
舊遊花柳更風煙
交情繾綣今猶昔
妙句傳抄喜欲顛
廷尉歸須結韉客
為公飽飯計留年

三揖清揚歲兩更
煩公倒屣費逢迎
抽簪仕籍心彌厲
撰屨詞壇計欲成
西洛況聞高紙價
蘇州從昔擅詩聲

拙衰枉作登龍客，領畧玄譚自阿平。

使君子主簿
公作詩甚進

題彭傳師無喧境壁

塵外軒窓寓嘯吟，勝遊重到更情深。
湖山覲面渾相識，蜂蝶窺簾似見尋。
客路每歌歸緩緩，歲華亦歎去駸駸。
摩挲竹樹論今昔，親見栽時已欲林。

次韻高賓王見投四首

殘年病眼苦眇昏，盡屏甘腴誓綠樽。
龍樹難逢刮膜手，孟公頗有獨醒孫。
頗煩十吏供揮掃，無奈諸峯役夢魂。

友義惟公記衰疾新編肯到崔羅門

病念還家可奈愁客中日月急梭投土花暈壁迎梅雨
海燕將雛送麥秋霑袖正憐珠隕睫闔門能復玉為舟
搯頭閤膝高舂卧黃妳青奴共此樓

簷花如霧濕黃昏猶夢君前白獸樽但有紅塵染衣袂
更堪碧草思王孫逃威正坐齊竽謬飲舞難招楚客魂
回首仙曹雲雨上誰云九虎踞天門

知君斷句為祛愁得句須防有暗投我病床頭但周易

人誰皮裏著陽秋騎驢久袖推門手載酒慵移捉月舟
祇命君詩作三益伴翁聽雨卧徐樓

次韻贈高賓王二首

瓦注緣窮也自昏掃除膠擾近清樽瘦田可穀宜投劾
小子今年亦抱孫慣病已拚疎藥物就閑聊免愴吟魂
徑當雲卧山南北芋火醅缸晝掩門

滯留無地豁閑愁詩將壇高許客投過我肯論新舊雨
即君如望蓂莠秋幾時霧縠褰蛟室快意湍濤放鷁舟

搗抉腎腸須小息請攜霜竹上危樓

再次韻贈高賓王二首

塵外高人謝宦昏生全天爵濟衢樽逸民佳傳須銀筆
常侍流風見耳孫入洛真能折傖父浮湘更欲弔英魂
男兒有志輕萬里辟世何如金馬門

虞卿與世得窮愁枘鑿方圓豈易投政復有文衙屈宋
須防罪我坐秋千抹已種柴桑菊萬斛空橫野渡舟
可惜玉堂揮翰手獨緣羈旅賦登樓

再次韻自註簡賓王二首

魚避清澄鳥愛昏
陶翁歸計酒盈樽
山田雨足鳩呼婦
籬院春深竹有孫
百首旋編新賦詠
三生猶憶舊精魂
小摩他日紅塵眼
閑送蜚雲過海門

庾郎曾次枉堆愁
馮衍才名迄不投
歸去來兮歲華晚
末如何矣鬢毛秋
令威心事千年鶴
張翰生涯一葉舟
回首月堂金谷夢
却憐海蜃結飛樓

次韻方秘正

方未相識有詩
和韻聊致謝云

靜女無媒未易昏幽人樂地但琴樽詩聲況自推侯喜
墻仞懸知陋叔孫拜手行申不敏謝慕賢正黯索居魂
拘拘泄柳非君匹老子來時肯閉門

小窓危坐正凝愁詩客華編肯見投明月拜嘉千斛賜
清風分送一襟秋路迷端倚司南駕金換還隨過海舟
誇與湖山須快讀湧金門外倚曾樓

次韻答高賓王

向來騎鳳下天津冠屨因循混世塵行處西湖作西子

靜中佳茗是佳人秋風暗凝金莖露香霧潛浮海樹春
喚萼綠華書玉葉人間新筆有通神

陂量如君信有容諾金到我豈宜蒙蛾眉自古偕三惑
虎旅何心待九攻雨室聊辭秉燭女石腸莫笑叩舷翁
吾徒嫵媚青編在檠茹冰棲定雋功

次韻林子長一首

使華不袖生春手絳老泥塗亦使年病後隱淪甘甫里
向來魂夢頗祁連受廛已傍鄉三老對客還矜我二天

處士一星君漫記會揚光彩映台躔

次韻楊帥留客賞雪二首

錫羨端知自杳冥更資和氣與烘成
廢觀攪海翻雲勢旋聽摧簷瀉竹聲
狎坐鴛鴦方薦笑窺簷烏鵲已熹晴
從公草賦梁園罷未羨將軍下蔡城

園林花絮忽冥冥水墨工夫憶李成
瓊樹挽春爭炫晝玉龍轉野寂無聲
綺羅樽俎諸賓醉簫鼓樓臺九陌晴
不比遊仙向來夢真陪仙伯燕曾城

再次韻二首

雪神不袖嗟枯手嗣歲豐登預告成
泚筆徑煩書上瑞
載塗況已沸歡聲
騎驢有客搜新句
扶路何人趁晚晴

一笑與渠分樂事的知瓊露勝宜城

瓊花露
揚酒名

吹花舞絮纔俄頃
可待區區刻楮成
催動江梅傲春意
喜聽冰筍滴堦聲
剡溪載酒人乘興
縣圃明空月碾晴
更想捧觴天一笑
恩光旋浸鳳凰城

次韻趙帥四首

酒會頻頻詩課忙從公祗爾了星霜
虛舟自昔安驚浪
左角從渠赴敵場
戀月每忘寒夜永
寄梅渾訝驛書香
吟邊更厭秋蛩苦
滿聽青鸞嘯女床

北歸客子謾貪忙
河欲生冰野覆霜
他日鸛鵲常避敵
即今竿木又逢場
思遲正坐相如渴
文好知熏武仲香
妙語鼎來吾拜手
乳泉更用汲銀床

月姊多情闌綺窓
停雲著意護飛霜
艷桃穠李寬圍坐
舞雪歌雲各擅場
醉倒不堪酬勸數
歸來贏得夢魂香

明朝誰省扁舟客但載茶鐺與筆床

舟子喧呼解纜忙馳裘荅峴冷禁霜行分槁項新岐路
心屬毛錐舊戰場談笑慣陪北海酒馥膏擬炷后山香
詩筒儻肯生毛羽飛到幽人夢蝶床

用贈朴翁舊韻二詩送徐南卿南歸

兼簡湖上詩友

飛鵬尺鷃計窮通今古幽人一笑中等是勞生浮大塊
誰能詭遇詫良工書堪引睡聊遮眼酒可祛愁勝作公
此意平章有同社絕憐相望馬牛風

莫將半菽羨千鍾
生世誰非囿數中
薦福議碑雷已震
浩然還意句徒工
我知寒餓憐顏闔
人說乘除有誌公
窮鬼趁渠來敗類
秋禾一昔仆霜風

次韻趙帥登平山堂

東皇未慙養花功
遠近嬌紅亂老紅
勝賞已容陪雋軌
憑虛仍喜受雄風
小軒蜀井寒冰齒
旋俯波光碧蘸空
更看詩翁落掾筆
彈丸句法許誰同

平章景物我何功
猶博賓筵醉頰紅
歡甚銳戈思却日

吟餘豪興欲凌風
急觴泛濫春浮淥
摻鼓喧轟鴈墮空
白雪拜嘉仍袖手
汗顏終恐坐雷同

修月于今第一功
後車九萬蜀牋紅
詩供寒食鶯花課
袖拂平山楊柳風
匝坐蕙蘭歌似剪
生香笑語酒如空
胡床不減南樓興
今古風流正自同

次韻鄭同年餞行

時癸亥七月

一官自食天水草
羣雋追奔風馬牛
儉幕胡寧效涓滴
孔裝未擬借膏油
交情顧我失一臂
才地較君輸幾籌

更引功名挽衰朽天生江水不西流

挽章

隱操人將處士看寧知器業自槃槃襄陽耆舊今餘幾
儒館先生定莫攀元亮歸來猶責子德公老去竟無官
子孫忠孝聯三綬說似前人合厚顏

少微前夕欲無光白首俄傳地下郎一代衣冠郭太宅
百年文物鄭公鄉松煙黯慘空黃壤芝檢紛綸漫紫囊
人過新阡應下馬不論知識涕滂浪

太碩人臧氏挽章二首

德風千祀藹芳馨
生享修齡歿更榮
早歲衣冠賢德耀
莫年門戶寄升卿
迹陳莫嗣登堂拜
貌繫空馳執紼情
里巷萬人總布會
一應如我淚河傾

帝恩三沐壽親筵
更數何人福慶全
紙眩鸞迴餘舊誥
地占牛卧忽新阡
陰功不倚長年藥
補處仍開上品蓮
欲紀哀榮付豐石
諸儒當有筆如椽

江湖長翁集卷十六

欽定四庫全書

江湖長翁集卷十七

宋 陳造 撰

五言絕句

次張學錄韻十首

張以新涼入郊墟
燈火稍可親為韻

俗習有南北交情無故新
得子班荆地朴魯俱淮人

其二

東隣夜牙籌西鄰晨伊涼
孰知陋巷士乾坤書一床

其三

學者闢聖門顛顛未易入張子乃深造以文作梯級

其四

三吳士淵藪向我肯論交尚友忌一鄉同人貴于郊

其五

燒香為后山展像拜太虛誰能作九原侯蟲弔寒墟

其六

張子五車讀筆作蛟龍騰百戰氣彌厲依然短檠燈

其七

廣文無酒錢到官脩改火清譚坐蕭齋惟子屢過我

其八

臞鴨久欲忘食蛙近亦稍人言淮浙殊得飽不汝較

其九

君才高一時從我計已左要追莊惠塵揮塵論然可

其十

衆景紛驕蹇君獨著語親十詩已積藏不與俗子論

再次贈張學錄韻十詩

解頤康鼎來詩語窮益新政用追前輩不勞吞吾人

其二

再說可雙壁斗酒或西涼索飯仰屋梁付子癭木床

其三

杜陵深堂奧無已掉臂入裔孫漫睎驥槃姍取拾級

其四

取友英雋場如子乃石交進善定見與言從浚之郊

其五

閱世有順逆飛埃曠空虛曠懷畧外物曲士乃拘墟

其六

李蔡下中爾萬目指騫騰何蕃頭欲白秋窓耿青燈

其七

張子攜詩來危坐撥芋火三問笑不對政恐非助我

其八

冷官冷如冰餬口僅廩稍藜藿得好客欠餘不擬較

其九

擁衾哦子詩清夢即淮左莫年書藏山舍子誰印可

其十

置書營卧升大似疎間親因之返初服佳趣遲子論

次韻錢倅諸公睡香花四首

鈎窓玩孤芳殘月衣上明紫囊折蘭麝小風弄初晴

其二

幽人睡為鄉長日踵納息天香喚醒然頗復費詩力

其三

輩流魏家芳要領僧榻夢脩然目為青未敢蜚鴻送

其四

小籬護殷鮮久厭雜芳眩風煙桃李蹊一竹檀槐戰

泊上虞驛來日行四首

秋雨歇復下西風微自涼不妨舟繫柳已貸汗反漿

其二

梁湖莽蒼外後去未云遲縣市容吾戀江湖不汝期

其三

溪山可圖畫風物憶吾鄉
漁艇鷗鷺亂茆茨菱芡香

其四

龍公底戲劇長嘯暝江天
雨鵲翻仍語風舟舞不前

予七十趙監稅見賀以詩次韻

平生燭之武況已雪髯翁
譽我猶時用君言恐未公

六言絕句

銅官道中二首

人家自淪新茗山路行衝翠嵐
今日供人行李向來夢

裏江南

盡日巉巖峻陟有時罷亞橫陳看雲不妨挂笏耦耕定
自知津

舟行六言

風頭正帆影駛雨脚轉天容開黃雲覆野未極青山趣
人欲回

題長沙新到鴈圖

渺莽雪波烟渚有底鼓翅相呼如老子載家去眼明見

甓社湖

甓社高郵湖山谷詩亦云

題別浦遠來舟圖

道人毫端妙用幻出烟水淮南頗與東風商畧幾時送我歸颿

題野渡風烟圖

畫師毫素筌蹄波光野色淒迷舟艤樹陰欲動魚驚帆影應低

題寒光雪嶂圖

曉寒流覆絕壁君纔得想像間輸我一庵漁浦雪中真
看江山

禱雨木欄堂四首

池上客熟無那池中魚不自濡安得涼烟泛坐綠荷盡
日跳珠

絕知豐凶有數豈必天地不仁鵜鳩底用絨口晨霞徒
解欺人

物享用達幽秘政戾自奸陰陽我已泣刑白鵝誰繼請

烹洪羊

醺壇烟斷金鼎缺月印天一梳想知瞻望雲漢君王寢
帳猶虛

羅提舉見和再用韻四首

又作凝香齋宿未容燥吻得濡頗恠太湖龍伯貝宮臥
戲明珠

斬山木寧為民焚巫尪恐傷仁看書饑而不害公政無
慙古人

紫沉初炷爐香青章已達寥陽當有碧玉宮使叱起河

瀕臥羊

靈姻傳載所牧
羊皆雷雨神也

燄燄水芝照影娟娟風柳受梳何日詩成喜雨凭欄客
意凌虛

題草蟲扇二首

挨首一振怒臂鼓翅雙搖利鋒底用交綏解鬪政應沐
我仁風

迎隨小躍低飛無謂二蟲何知却因毗陵畫手憶我田

間杖藜

卷十七

江湖長翁集卷十七

欽定四庫全書

江湖長翁集卷十八

宋 陳造 撰

七言絕句

劉向二首

江邊逐客楚宗卿
諫數君疎命自輕
可信後儒慙往哲
輒將強聒議更生

若將初節訂賢愚
聖哲功名古亦無
一代儒宗憂國意
當年幾落偽金誅

梁元帝二首

慢藏已重阿琳憂君道平時況未優冀北羊腸各亡社
浪言建業勝荊州

中外誰非肉骨恩顓顓帝子亦王孫君王日握金銀筆
忍署兵威極六門

管仲二首

棠潛俄正魯封圻施伯安翔耜載歸屍授夷吾寧復此
君臣應愧始謀非

平生勲業載成書
脅制諸侯祗霸圖
盍繼車攻奏嘉頌
迄今壁帛遙東都

孔明二首

古今深忌忿為兵
及雷師臣要力爭
白帝敗歸思孝直
端知難抗魏元成

奪蜀寧蠻走阿瞞
功名繼此坐天慳
平生囊括華夷策
畏虎纔教見一斑

東坡二首

五載詩鳴卧雪堂暮年長嘯走南荒當時戲綵慈親側
豈復陳編羨范滂

高文鯁論博艱危凜凜聲名百世垂得意王公莽枯冢
誰令聖主想同時

王逢原二首

弱歲文推一代豪諸公斂衽看顛毛天於屈宋應為地
不放先生僕命騷

文章俯睨漢唐餘屬思深湛到古初正使玉樓須有記

忍令銀筆嗣無書

閱史六首

百戰淮西僅奏功
澶淵欲戰已平戎
三紆相紱猶公道
長為萊公羨晉公

公安枯竹本何知
標表精忠解不私
應笑神奇甘臭腐
讒鋒得意幾餘時

樹威立敵祇商君
俯仰欺誣莽更文
何事君王自聽括
三槐五鼎買崩分

帝惜人才幾手培誅鉏借作盜權媒更憐孫息追仇誤
忍死龍荒首不回

徐穉申屠晚見機當時張邴是先知冥鴻久矣層霄上
置網彌山漫爾為

平時憤世謝王符更肯佯狂踵接輿須信有心端有累
與君乘木用舟虛

讀晉史二首

司馬家兒轉首亡姦欺三葉是餘殃區區牛氏何闕汝

覆面猶須淚滿床

只知成濟犯乘輿
劉石兇威更有餘
狼顧魂靈應自反
尚將鬼責怖公間

曹魏二首

睢盱漢鼎漫心勞
夢覺俄驚馬食槽
馬漸天飛龍在井
當塗能得幾時高

問卓諸公半虎狼
魏旗四指不留藏
老瞞清水如先死
不必炎劉果後亡

袁本初二首

入門偶藉移韓馥健者何曾抗董公須信阿瞞人物論
但言玄德是英雄

壁孽朝兄主父囚女戎街猾史蘇憂便教官渡交綏去
二豎猶能亂冀州

公孫述

東來溫詔枉丁寧隆少忠謀肯汝聆不待賓臚延馬援
始知西帝偶人形

隗囂

諸父論情是至親
若為見賣苟全身
發崔寃魄旋無憾
眼見君侯殺伯春

馬援

朱勃風標似可親
文淵竟作白頭新
平時輕侮知何事
辨雪寃誣獨此人

光武二首

濟業何關赤伏符
王梁不拜未云疎
君王幸卻東封請

底事終身溺讖書

閉關謝質保豐功建武規模見祖風
宰輔駢誅非細故平章敢謂茂陵同

高祖二首

未推壯邑賞平津已采先知赦
奉春齊越淮南皆斧鑕單于遽指漢無人

坐馘關東扛鼎雄指呼奴隸走王公
祗緣奪嫡中心慊反畏商山鶴髮翁

和意

仁傑狂甥趣獵人頗能戴眼笑庭紳漢家退堡猶麻沸
正復羞為女主臣

相如二首

中宵卒卒去臨邛賣酒壚邊混僦傭想見令君醒後意
向人深悔謬為恭

逸德狂情賴補苴文君端合壻相如白頭曲裏殷勤意
不愧先生諫獵書

文帝

君王儉德本天然蕭相鳩營已造天
不見千門并萬戶露臺雖罷未為賢

詠史二首

暴楚狂秦席卷中謀臣戰將各言功
端知四百綿炎祚祇屬商山禿鬢翁

平側區分偶儷勻無階更復古真淳
浪言此秘無前覩畢竟休文是罪人

遊靈山二首

高人避俗水雲居
客子偷閑簿領餘
本自毗耶病居士
不妨僧飯小躊躇

何年山股創禪房
陵谷遷移不易量
舊日中流小浮玉
如今欲到祇褰裳

早夏

安石榴花猩血鮮
涼荷高葉碧田田
鱖魚入市河豚罷
已破江南打麥天

滿地榆錢未掃除
畫簷忽復燕將雛
風窓夢破搔頭坐
重課兒時讀了書

偶題

霧紅烟白忽橫陳
雨後風光望得新
說似遊人須著便
陰寒已破一分春

題人家壁

等是黃粱未熟時
車塵馬足竟胡為
山翁不起功名想
足穀多田正自奇

棲隱寺紫薇花二首

深紅淺紫碎羅裝
竹樹陰中獨自芳
已伴白蓮羞遠供
款陪黃菊薦陶觴

絳霞影裏一徜徉
甚欲搜詩與發揚
馬自虺隤塵染袂
句中羞說紫微郎

題趙秀才壁

日日危亭凭曲欄
幾山蒼翠擁烟鬟
連朝策馬衝雲去
盡是亭中望處山

新林小憩見花二首

白玉毬團青玉枝幽芳不恨見春遲
酴醾過後榴花未
管領風光更是誰

畧得花邊一欠伸羅衫歸去滿緇塵
鳴鳩乳燕空多思
苦雨淒風不貸春

贈相者二首

人言龐艾可功名獨取臞儒子
麼生槁項猶多吟擁鼻

闕

材同樗櫟將安用官帶苓簪亦漫為更欲品題人所棄
君癡尤勝老夫癡

次玩鞭亭小詩韻

心事即今驚白髮世情從昔殷黃間竇家錦上四十字
祇道蘂砧山復山

竊祿未辭官九品歸田止欠屋三間著書他日藏崑穴
或繼淮南大小山

獻王者三付身外與馬為二合田間亦知此足無人縛

政恐有文移北山

次林子長教授韻

伯主或能尊九九餓隸恐復辦多多盤姍勃宰不快意
鉞刀一割君謂何

豫章材成七年後潢潦眼看三尺彊山翁坐閱刺天翼
抱書亦耻崔嵬藏

次張節推山字韻詩留其行

足音肯到寂寥處風味要看樽俎間行役小休良不惡

雷聲昨夜殷南山

人瞻甫里歆埃外詩著蘇州伯仲間爽氣憑銷殘暑盡
鈎窓不用對西山

紅塵歎我奔馳久空谷逢君夢寐間政使公榮可無飲
風江驚浪湧銀山

再次前韻三首

粹學堂堂真有本玄談亶亶盡無間小回餘事入詩律
句法還能逼后山

老醜只宜嵒谷裏何人挈致俊賢間雖云章服裏叔夜
尚有苓簪隨次山

故人偶得一飯款僻縣纔餘十畝間赤米白鹽君勿誚
病夫官況等居山

靈嵒道中二首

過盡南山過北山幽花好鳥翠霏間滿前風物牽詩興
可是平生馬上閑

涉澗登山倦不勝松間敲戶有人應竹簾瑣細爐烟直

小作蒲團入定僧

游隱靜往反四首

突兀南山萬仞青
巖觀山頂白雲生
今朝訪道五峯去
却向白雲生處行

烟樹雲生若有無
行輿咿軋路盤紆
小風弄雨晴還落
身在龍眠水墨圖

一隨俗駕走紅塵
松竹生愁鶴怨人
杯渡老師相悉否
野僧心地宰官身

夢覺篝燈曉曉明碧鷄啼罷欲三更定知山雨陣頭惡
但怪瀑聲雷樣鳴

戲促黃簿雞粥約三首

微吟仰屋耐調饑腹負將軍竟是誰側耳隣翁隔牆喚
黃鷄粥熟是何時

鵝肉博嗔寧復計馬肝知味不須評老宜此輩充庖宰
更問鑽籬與不鳴

隻鷄可饜小人腹未羨侯家千足羊借問解黿食指動

何如蒸鴨瓠壺香

次韻黃簿

先生不著惠文冠
須信論才當價難
法律剡章真未盡
盍言粹學輩豪韓

揮毫麗句得旁觀
字字懸黎間木難
可但詩聲高海內
有人金換過三韓

贈趙丞四首

老嬾無詩到雪梅
僧窓駢坐撥萁灰
朝來好語成快讀

七筋驚投不為雷

君家鸞鏡照芙蓉笑我衣襦綻不縫想見後堂頽醉玉
梁州按罷晚粧慵

我衰但作一厘計認古宣城為故鄉待得故人來作牧
試吟打鴨起鴛鴦

共約京都看早春棗駟緩踏軟紅塵要君彈壓湖山景
莫惜新篇舉似人

無題三首

酒鴟車後無何飲易卷床頭脫復看豈謂浮生須此具
世紛方解不相干

才不時宜嬾治生學專信已一官輕只今尚友須千載
獨惜時無尚子平

居為耕叟出為官出處人將二致看朝市山林俱樂部
却須神武掛衣冠

臨澤寺留題

乃予舊
讀書處

發冢詩書謾一官舊遊重到鬢毛斑塵埃可是山靈意

不待文移始厚顏

庚子冬望雪二首

冬盡風霜只薄寒人將雨雪卜新年
癡兒不問豐凶事但快茆簷炙背眠

隴麥枯時雪意濃可堪新日已曛曛
因循度臘無三白孤負明年飽二紅

次韻郭教授雪二首

霏霏透隙上承塵想見園林玉樹春
明日銀杯隨寶馬

城東應有探梅人

世紛長作眼中塵
酒力能回物外春
清論挾霜詩映雪
即今超俗賴斯人

元夕遣懷二首

陸海蓮開夜色鮮
短檠燈下掩陳編
風姨竟日鳴條罷
月姊因誰得意圓

平世計功須壯歲
異時敵已盡亨塗
鬢鬚久已沾青女
窮達何勞問紫姑

書南柯太守曲後二首

門前車馬競飛馳等是槐安未寐時何似阿憐歌此曲
一卮隨分得伸眉

竹葉舟前客念家慈雲甕裏事如麻而今不笑檀槐戰
笑汝研桑了歲華

次韻諸公絕句

時詹唱已
成巨軸

琳宇無塵夜色鮮露明叢菊月臨淵
世間人境雙清處
誦與西風更此編

荆玉驪珠忽滿前，未須攻石探濤淵。
南帆自詫歸裝富，準擬重呼阿買編。

贈郭高叔三首

元宵作詞與太守陸子煥密寫
寄營妓蓋欲其備卒也戲贈高

叔

護香深閣寫烏絲，有底朱樓望得知。
與問天津倚欄客，庸非青瑣竊桃兒。

燕臺賦就尚緘囊，已作新聲遶杏梁。
見說負山常夜半，能言鸚鵡枉關防。

翠扇紅牙淺黛愁
梁塵飛下晚雲留
貫珠未竟金杯側
却欠周郎一轉頭

游普向十首

謁兩石解元得十詩隨
得書之呈王仲衡尚書

西湖西岸三百寺
一一題名嗟未能
他日誅茅追勝賞
却尋詩版驗吾曾

一老昂藏物外高
陳陳曾次盡龍韜
功名未療湖山癖
却著袈裟替戰袍

青林果熟星宿爛
修竹風來環佩鳴
翠影扶疎僧宇靜

吟餘屋角見雲生

蘿鹽未必劣僧蔬
塵裏光陰易破除
他日摩肩霄漢上
却須此室與藏書

日冒風埃鬢脚黃
歸懷絆驥可能忘
誰知碧領蒼雲外
占斷人間五月涼

寺壁龍蛇石刻新
夔州十絕典刑存
鵝溪為卷湖山去
擬與詩人到處論

遠近僧垣共白雲
蕭然不著世間塵
朝參夜講庸何計

野飯山棲已可人

處士前身自水僊
天教清句紀山川
即今秋菊寒泉意
雙鶴飛來若箇邊

崇岡回首路縈盤
夕照明邊小凭欄
舡閣淺沙催客上
玻璃影裏見長安

行穿老檜千尋影
歸受涼荷十里風
從此勝游縈客夢
夢隨黃鵠下雲空

十絕句呈章茂深安撫

雨餘涼氣曉風颯却愛朝陽一抹紅
照影芙蓉天與遠
可能猶恨打頭風

忍饒留得可羹魚
微沫相濡未就枯
自解柳枝投淥水
勞生與汝各江湖

三傍清淮酹酒杯
四年霜鬢犯風埃
即今定被淮人笑
又見衰翁祿邀來

追尋名勝賸留年
白首猶參五字禪
寄語蜚廉亟回馭
擬凌風去訪詩仙

詩伯于今第一流清篇傳誦到鰲頭共推句法源流遠
伯仲夔州只楚州

密受眉山一印傳斯文千載石林仙使君酷似牢之舅
更喜鸞膠續此絃

右史文章海倒流淮南異政古人儔親聞撫几推雙美
獨向夫君放一頭

楚城巉絕控窮邊楚俗傷弓未帖然一自并州煩李勣
不聞貴買渡江舡

里社過逢起醉眠行人魚稻不論錢
欲知勸課功多少地覆黃雲遠接天

經綸術業向來優千騎東方恐未儔
他日應携報恩子還朝看拜富民侯

村居二首

五風十雨梅破夏三青兩黃麥欲秋
山禽諍語野花笑瘦筇隨客下西疇

卷書揩目小披襟睡起初便茗椀深
一縷碧檀無與語

坐窓閑看竹移陰

謝三提幹召飲三首

既往則妓車
集一盃徑歸

坐上紅衣未放歌客間冷面醕金荷驚飛可待聞檀板
擬奈吾家故事何

賓筵笑語雜絲絃說到山翁更粲然衰鬢豈應粧面側
陳編只合粉袍前

不慣香風擁妓車分當清坐冷官衙歸來自笑殺風景
却把茶甌對菊花

謝兩知縣送鵝酒羊麪二首

僧樣齋厨冰樣官
饑憑脫粟食無單
不因同里兼同姓
肯念先生苜蓿盤

麥生宜配卧沙羊
鵝肉仍便碧酒香
陡覺今年好冬節
朝來紅日為誰長

次兩知縣韻四首

老去棲遲八品官
劍頤深悔誚田單
東隣未省吟髭斷
笑擲牙牌命肉盤

暴醉琳腹飽棧羊巡簷閑認小梅香胡床曝背關情甚
古錦囊詩引興長

似我聲牙亦漫官倚君風義慰羈單開緘更識新詩法
脫手銅丸轉玉盤

政成無復敗羣羊萬軸書前一縷香明日過君況休務
茶邊清話不妨長

題椿桂堂四首

為莫
倅作

日日高堂笑臉新五株芳桂拱靈椿枝榮非霧根盤石

共閱壺中不盡春

靈椿移植自仙宮
丹桂年年不辨供
材薦明堂皆巨棟
君家培植富陰功

蒙莊漫詫楚冥靈
獨秀吾今陋郤生
更笑田家紫荆樹
每隨人意作枯榮

鴈影聯翩上絳綃
庭蘭再世更奇標
義方可但燕山竇
行跨當年八葉蕭

次石湖送炭韻贈龔養正三首

饑鳥窘兔不謀身君亦衣穿挂作薪
小露化工陶鑄手地爐分得雪中春

廣文書案雪沾身竈婦冰菹煖
濕薪綵勝銀花猶拜賜

凍醅寒餅不成春

立春日大雪是日國忌

寒谷冰崖底著身望晨疑寢越
王薪今年未辦巡簷笑

急雪陰風肯貸春

立春後雪寒特甚

送鵲鴨腊龔養正二首

龔以憂不作詩

霜湖風草自徜徉夜網晨弦不易防
作意分甘資一飽

為撩清夢到江陽

騷人茹粥耐支離
過眼風光不到詩
鄉味慇懃勸開肉
未妨新句解人頤

早春十絕呈石湖

不是風寒即雨寒
朝來春意破天慳
恠君未解春皇意
恐把韶華付等閑

倏看媚白破梅枝
更喜嬌黃著柳絲
春事斬新當客眼
可須山鳥報人知

樹外晴雲不擬飛東風無力愜單衣垂楊院宇斜陽裏
還是鈎簾待燕歸

中林頻度養花風合放林梢一點紅蝴蝶與春偏有約
依依先占去年叢

杏羞桃澁要詩催客子情鍾倍費才惜欠王家千杖鼓
輓雷聲裏看花開

未須看竹扣人門且復尋梅過水村香片點衣歸馬健
臨風只博斷吟魂

虎邱僧宇瞰坡陀幾許香輶載酒過遊子花驄烟外駐
麗人塵鞮水邊多

緩引牙檣載綺羅寬圍絲錦著笙歌小檣醉眼遊絲外
夕照銜城奈樂何

鷗夷古錦犢車轅盤薄沙鷗舞蝶前少日長安聚蚊夢
莫年詩酒解隨緣

館娃宮外趁遊人不見湖山自在春聞道石湖清絕處
芳時不著綺羅塵

題溪橋雪月圖

雪野無人訪夜闌
冰壺絕景畫中看
橋邊覺欠梅枝在
姑射嫦娥各耐寒

題高緡之劍室二首

高郎櫺具映峨冠
沈燎茶鐺一室安
遊刃聖經千載計
即今長缺未須彈

皇家威德愔遐荒
何物樓蘭尚頡頏
想見詩人歌枕處
雲霄中夜有光芒

題龔養正孩兒枕屏二首

養正方
苦少子

小屏光潔雪難如
寫出嬉然同隊魚
索句擁書皆薄相
笑啼嗔喜莫憐渠

眼中何止舞雩童
況是君家積慶重
夢裏送來煩孔釋
要令門戶繼荀龍

次韻答陳夢錫十首

古人存心屹底柱
卷舒晦明付時行
最爾之身函天地
政可蟻蝶睨功名

吾宗石友讀書眼可但於易鉤其深日來弄筆課七字
萬象莽忙供醉吟

向來應俗用古學我亦未悔金注昏伍胥宰詬各腐滓
吳歆越吟誰誦冤

巨室熒煌萬金產小家經營一簪餘克庸盟隨制挺足
更用荆尸來擣虛

姜子嗜酒不良行諸公俛顧慙登瀛尚堪堅坐作周鼎
底用詩名滿鳳城

冰檠未肯執名卿搔頭自剔書窓燈君家老人如椽筆
剡江鄞水倒泓澄

九重聖孝絕今古喬雲麗書南山高臺閣不無補衮手
付我五畝耘艾蒿

諸儒峨冠每捫舌四肢非骨寧自強即今可言尚十八
直須坐治開明堂

續經發冢古今病未容灼膚防瘡疣決知蕭蘭異根葉
始議溟渤包衆流

詩人鋒鏑不可觸
曾攬鯨牙撩虎鬚
飛來此編更作意
詩行快對夔州圖

次韻吳守四首

時上冢得吳詩招賞牡丹

十日陰寒此日晴
歸來趁賞大花春
主家千斛香泉碧
却自摩挲漉酒巾

園林落粉吹香雪
魏紫姚黃獨步春
明日插花同一醉
小閑譚麈岸綸巾

莫管龍公嬾放晴
主賓笑語自生春
不妨妃子天香面

滿壓林宗折角巾

是日以雨行

當日謫仙隨鳳詔
毫端寫出禁園春
沉香亭北人沉醉
誤認龍香在領巾

謝劉提幹墨竹見遺二首

王孫筆自徐州派
戲為詩翁寫渭川
眼底疎枝歆密葉
靜含寒雨暝蒼烟

龍孫裊裊初辭籜
鳳尾娟娟擬受風
疎影向人翩欲舞
夢殘依約月庭空

劉有詩再次韻四首

小點猩毫出碧鮮
技隨文思各增川
祗應月地饒槃礴
心醉寒梢曳曉煙

已後湖州禿鬢翁
喜君揮掃有遺風
幻成殢雨熹晴態
盡使塵凡一洗空

此君高韻已蕭然
更向新詩得媚川
誰遣小家藏二本
為君時炷水沉煙

耐暑支離倚瘦筇
百金未博一襟風
了知詩有蠲痼力

絕勝江濤捲碧空

題畢直閣繙經圖三首

凝碧有詩纔逌死青巖不語竟何裨先生著論胡塵底
未覺丘明見仲尼

伯圖無繼昧尊王獨抱殘經析渺茫地下威文應吐氣
人間宋李解升堂

中原正朔合天王細讀遺書癭作囊老子披圖揩病眼
為公重炷石爐香

循資趙宰有賀詩次韻三首

宦塗跛鼈陵坡上學舍寒蟬飲露清
蹙蹙強顏纔跬步不應天驥與論程

蒿帛入門無幾潤妻孥食粥有餘清

文林則添減如此

輕肥騰

趨非吾願矻矻雌黃且課程

反唇餘子輕玄白屬目耆儒上紫清
老境我甘追汗漫明時君合訂章程

都下春日

煙林紅翠已班班
雨後春工不暇慳
付與笙簫三萬指
平分綵舫賸湖山

次韻答趙文卿四首

才名一世未通班
天向詩人每坐慳
不作上書來北闕
可無攜妓醉東山

平日詩聲不易班
聯翩屬我未應慳
得無紙貴咸陽市
當有人逢飯潁山

小燕招邀慰病顏
何曾雨澁與風慳
分明喜鵲先知得

未曉飛鳴鬧屋山

簾疎財許客窺班未得纏頭小破慳已結雲愁蜚蝶夢
莫斜秋水感春山

次韻袁憲勞軍許浦中路冰合二首

風聲雪意恣馮陵更挾霜華夜氣凝水伯護河銀作板
欲留公闢玉壺冰

細讀清詩擬泣岐問津平日幾河湄只今西去須遵陸

平地風波恐更危

予亦阻
冰常州

次韻袁憲打冰移舟三首

倚柂扶篙待打冰
回思鷁首漱波聲
定知行止非人計
料理詩愁喚麴生

留滯何曾念奮飛
君恩已布得徐歸
賢勞肯羨膏梁子
醉眼瞢騰坐妓圍

東行定見野橋梅
望望花隨驛使來
曾約南枝春信否
急煩好句與催開

贈何符山人二首

小詩落紙粲春葩傳遍侯家與主家未恠東來將隻影
十年囊筆飯京華

冷看俗態詆譌裏緩閱年光醉夢間想得酒瓢詩卷外
此生無物更相關

趙介卿見簡解嘲二首

複閣朱樓繡箔寒蕙蘭風處各嬋娟詩翁它日揚州夢
回施京華美少年

酒家舊識元真子街吏嘗隨杜牧之回首昔遊堪一笑

暮年茶果祇僧期

寓吳門十首

張監留居平江率趙守
來憲月助桂玉費作

一寒驅去還千祿萬慮紛然祇愛山
閱世恍如清夢覺
求田聊計白頭閑

官卑責薄得徜徉漫仕歸來味更長
它日故人多好事
龍鷄載酒未吾忘

諸公念我閑無食粟繼輿臺扣戶頻
眼底梅花還索笑
酒腸詩膽已輪囷

溪翁園客問何如可諱浮生百計疎不憚典衣規得酒
長因乞米街能書

向來勇策著書勲一刻曾將白壁論老去光陰都不惜
靜看烏兔役朝昏

興闌猛輟凌江棹重看鶯花茂苑春歸自乘流留亦好
浙風淮俗總宜人

日日煙林野市間路人應作老狂看排門賞竹寧辭罵
踏雪尋梅苦耐寒

稚子浪憂陶令老山妻終譽仲卿賢虎頭試寫經行處
龍具寧甘未死前

禹益咨俞儼紫庭藩星仍映使星明鄙夫少日三千牘
盡付詩情寫治平

平時觴詠妨生理此去狂疎託上官但使推敲貸衝節
不煩排日報平安

次韻張丞

官上絕無歌酒樂堆瓠了事孰非癡開樽良省纏頭費

却有新章贈雪兒

是日仇香出寵不費而歡洽有小曲之傳

次張丞送菊韻二首

時已十一月

粉身免泛杯中物並駕容陪隴首花
況耐歲寒雙幹在

周旋三益羨君家

寒花彭澤門闌舊好句柯山伯仲間
貧負清樽只三益
詩人錯笑庾郎慳

紹熙壬子勸耕妙勝四首

縣曹文墨厭拘纏野飯山行舊所便
抵道窮塗難措足

朝來風日為誰妍

每愧敲榜辦賦租
會心還喜勸耕初
渠儂嗣饗金穰慶
老子長捐柱後書

勝日乘閑覺半仙
笑摩老眼向風煙
平章春事禽能語
媚嫵韶光柳未眠

桑條麥隴接比鄰
社酒家炊丐路人
風俗尚如它日否
憑誰細問故園春

淨居勸農三首

妙勝庭前折小梅
淨居門外躡枯苔
日煩禪老羞茶供
親與田翁把酒杯

今年春計定何如
說道家家甌石餘
滿意為翁開笑口
老夫心事祇耕鋤

簿書堆裏得抽身
梅柳風前觸眼新
報答好春還著語
今朝猶喜是閑人

次韻王統制喜雨

公餘競病揮詩筆
誰似風流老伏波
對雨肯來同把酒

當令阿素為君歌

示阿泰三首

等累登招寶獨留守
舍既歸小詩付之

曾倚新晴望海天
天容海色湛相鮮
奩中遙點羣鴉影
萬船千艘忽過前

官上依然四壁空
訟庭人寂每從容
看家不為穿窬計
老去登臨分外慵

老稚懸知樂有餘
迎門先問小於菟
風煙滿眼山環海
對酒還曾斲句無

次王巡檢韻三首

王得子詩
鋟之木

搯腎搜腸不自奇
細模深刻似非宜
流傳縱便鷄林售
指摘防遭鵝腿嗤

平生嘿識玩詩昌
對客揮毫底未忘
祇恐韓陵讀碑客
誚君草草誚吾狂

每愧銅盤走柘丸
忽驚檀軸卷絲闌
真成敝帚千金享
笑喚諸雛掛壁看

朱倅索詩作三絕謝之

因循不試推敲手
日月消磨簿領間
舊故書來盡新作
窮兒券負幾時還

多謝詩翁肯唱予
挑燈泚筆復踟蹰
龍文虎脊渠皆有
鶴膝蜂腰我未除

從公揮掃且觀傍
免費雕鐫苦腎腸
血指忍慚嗟已老
怒睨相向更深防

瑞巖寺三首

嶺岫周圍罅縫無
勝流三百鑠冰壺
客來誤作囚山想

猛憶門前自坦塗

橫前石廩疑無地步入蓮宮別有天說道三山環弱水
不應回首羨巢仙

已到平生未到山朝來白水漲田間要須樂事成三絕
更倩詩翁露一斑

再次韻三首

得君清句我愁無不惜長哦缺唾壺句法森嚴誰到此
了知島可但中塗

俗塵我亦憐多病道價師今重五天投老鼎山追舊約

未妨林壑著臞仙

寺主作庵
鼎山云

連朝飛雨暗羣山局步修廊廣雷間會作閑人留十日
當令屐齒遍苔班

喜雨二首

永寧開善皆留宿夢破階除急雨傾人道行車定膏澤
我知龍伯念春耕

招寶山鄰娑竭宮縣峰仍接補陀峰晴晴雨雨皆如響

金匱要略卷十八
謬挹池鰻拜土龍

定海甲寅口號七首

長官清苦舊傳聞
檢放秋苗近四分
畢竟不緣胥吏手
旱頭科斂枉紛紜

田租有約不相違
比着豐年數已虧
一飽分明郎首賜
幾曾刺口問抽卑

已抄口數報隅官
歲後朝鋪定不難
且願眼前彊健在
趁坊討海過冬寒

水泛溝塍意欲饜凌晨還復雨
庶纖早秧未領其感切猶

須挿晚穀無多不更埤

直庶切

父子分頭上海船今年海熟勝常年
官中可但追呼少不質田輸折米錢

鄰家兩兩捉春歸笑語相過復嘆咨
共說颶頭前夜作幾人蒲網罟流尸

連宵飛雨喜滂流已入梅天過麥秋
二十年前如此晚金城地抱却全收

謝張德恭送糟蚶三首

德恭師
文友也

舊箋蟲介甘溫性樽俎風流每策勲
況復鋪糟小醒後眼中羣品此其君

壓倒淤泥白蓮藕半捐介甲露穠纖
玉川水厄那知此急具薑葱喚阿添

誰與江蜺角長雄一時風味兩無同
吾兒不友王文度底肯分甘及乃公

再次前韻三首

春事兼回寂寞濱茅簷背日已書勲徑須引睡攜黃妳
未辦尋芳命紫君

連夜愁陰苦戒嚴雪將寒雨闌庶纖老人凍餓人情斷
米價何如酒價添

茗甌對客乳花濃靜聽揮犀發異同度臘迎春如此過
不知人世有王公

張守送羊羔酒將以三絕次韻答之

生嘗跪乳資名教死去遺芳謚碧香洗盞開嘗吾未敢

稱冤肯入菜羹腸

俗云秀才食羊踏破菜園

小槽清凝帶羶香釀法知非羸角羊拜賜未辭乾講舌
呼兒留得薦蒸嘗

甕中別作一家春
粉豨微生得效珍
少貸陶家煎雪水
更論徐邈對賢人

郡齋鶴飛來作三詩還之

倒賴翹然望四遐
芝田懸圃不應賒
僊僊飛傍茆茨下
誤認西湖處士家

不知蝸舍安卑陋何似侯家效羽儀
千字罷賡明遠賦
一詩聊送佐卿歸

君家矯矯乘軒骨聞道今成趙璧回
却擬黃堂掣鈴問

夜光論斗幾時來

守許以詩贖

張守有和章復次韻三首

一骨萬金知未慳五雲七字不妨賒
此翁久斷揚州夢
徑付凝香舊主家

接翼鴻冥聊爾爾大書麟獲更儀儀
雄邊仙伯橫琴處

應道蘇耽興盡歸

雄邊臺名

閑舒側理題長句漫與胎仙紀
往回花徑宿鶯樓著燕
因思如願賦歸來

再次羊羔酒韻三首

元放諸孫憐遽許截肪醉骨薦馨香
茂先九醞猶須問
自是詩翁石作腸

菜子杯盤別樣香春浮親面日相羊
老夫底幸霑餘瀝
却笑無魚客孟嘗

他時阿奮辭髯簿來作東風席上珍安得方平鞭亂石
百觚陸續丐吾人

再次還鶴韻三首

鳩來室邇念人遐回首青田幾許賒飛去定驚魚蕩水
蹇然今似客還家

啁鵲却陪新飲啄啼猿儼識舊容儀可須辯士誑荆楚
似喜逐臣還秣歸

人家往往琴堪劈誰定如翁肯放回他日鼙輪駟修翮

銜恩當復誓雲來

題項處士山堂二首

一庵小憩俗間勞
月牖風軒俯鳥巢
我亦青衫倦遊者
羨君先辦蓋頭茅

久安楚俗眠雲屋
又向吳儂倒藥囊
出處無心俱樂地
世間何處不山堂

江湖長翁集卷十八